


薊州疆域圖

薊州疆域圖
卷之一



平谷縣

黃林山

中營
下營

嵩山集

山盛

山漁

山嶺

台四

桃花

門濠

橋神馬

州北

淋河

山棧

田青

賈路

孫路

白洞莊

邦均店

家要

公藥

現渠莊

龍灣莊

店溜

紫金

洞莊

金水屯

橋現

別山店

馬道莊

上倉店

上倉店

縣旺

侯家營

柳子口

三合口

嘴頭莊

下倉店

新安鎮

治河水

合流處

河小

家慶
溪仙
李善

葡

州


星

圖

葡州志圖

卷之二

三





箕

宿

尾

宿




○ 糠皮


星圖

○ 魚

尾火虎




○ 傳說



盤

山

圖



紫雲峯

掛月峯

自來峯

雙峰

小盤山

花臺

石動橋

千佛

盤

盤

盤

盤

雲

雲

雲

雲

雲

雲

雲

雲

東

東

東

東

東

東

東

東

寺

寺

寺

寺

寺

寺

寺

寺

寺

寺

寺

寺

寺

寺

寺

寺

寺

寺

寺

寺

龍

龍

龍

龍

龍

龍

龍

龍

龍

法

法

法

法

法

法

法

法

法

法

法

法

法

法

法

法

法

法

法

法

法

法

法

法

法

法

法

法

法

法

法

法

法

法

法

東宮

月

寺

寺

嶺

嶺

嶺

嶺

水

水

水

田

田

田

田

田

田

田

田

田

田

崆

峒


山

圖

蘄州志圖

卷之一

三




薊州城舊圖

薊州志圖

卷之一

三



開封府城圖

三

武廟

大倉

武廟

上察院

學院

開封府

鎮朔衛

馬神廟

城隍廟

文廟

儒學

藥王廟

魁星樓

天寶觀

廣福寺

預備倉

獨樂寺

開封府

樵樓

州署

前察院

守備府

文廟

東察院

義倉

戶部

兵道

兵道

漁陽驛

淨土巷

塔

管州衛

藥州衛

開封府

開封府

功義坊

開封府

蕪州新城新圖

蕪州志圖

卷之一

五

州

署


老

圖

蕪州志圖

卷之一

三




州 署 舊 圖

薊州志圖

卷之一

三



馬神廟





馬園



論坊



大門



捕廳




倉



地五祠



鐘



兵刑房





刑房



刑房

監



州

署


新

圖

蒲州志圖

卷之一

三



卷之二

四

學宮老圖

蘄州志圖

卷之一

七

學

宮






舊

圖

蘇州志圖

卷之一

三九




學宮新圖

薊州志圖

卷之一

學



崇聖祠




先師殿

西廡


東廡

鄉賢祠

名宦祠




正學住宅




明倫堂

訓導住宅



儒學門



薊州志卷之一

知薊州事歸安沈 銳重纂

紀

恩志

臣聞洪範有敷錫之文史氏有載言之典可見

恩光所逮宜首先敬錄以示尊也薊州去

京師纔百八十里每年

聖駕恭謁

陵寢

薊州志

卷之一 詔諭

翠蹕時臨

慈恩屢沛

愷澤最先自當恭錄

詔諭

宸翰謹紀

恩賚以見山川草木無不仰被

昭回也志紀

恩

詔諭

康熙八年六月十七日

諭戶部朕繼承

祖宗丕基乂安天下撫育羣生滿漢軍民原無異視務俾各得其所乃愜朕心比年以來復將民間房地圈給旗下以致生民失業衣食無資流離困苦已極深爲可憫以後圈佔民間房地着永行停止其今年所圈房地俱着退還民間爾部卽速通行曉諭昭朕加惠生民至意至於旗下無地亦難資生應否將古北等口邊外空閒之地撥給耕種着議政王貝勒大臣會同確議具奏

薊州志

卷之一

詔諭

二

康熙二十四年四月初十日

諭戶部朕撫育方夏愛養黎元早作夜思勤求治理閭閻疾苦無時不深軫念欲使民生樂業比屋豐盈惟當已責蠲租萬姓得沾實惠直隸地方頻遇旱災小民匱乏宜加恩恤順永保河等處圈佔地方應徵康熙十八一年地丁錢糧已經詔行蠲免所有直隸八府康熙二十三年未完地丁錢糧盡與豁除其順永保河未經圈佔地方及眞順廣大等處康熙二十四年應徵地丁各項正賦俱着免三分之一爾部速行該地方官通行曉諭務使人人得被膏澤以副朕勤恤民隱至

意如有不肖有司藉端朦混私行重徵者或經叅奏或被告發定行從重治罪爾部卽遵諭行

康熙三十四年因水災九月二十四日

詔諭戶部直隸順天保定河間永平四府所屬地方今歲水潦傷稼三農歉收朕巡幸所至徧加諮訪聞高阜之處尙有秋成而卑下之田被潦者多計所收穫不能相敵雖經勘災頒賑不致仳僂失所而須辦錢糧若仍行徵收則民力匱乏難以輸將朕心深切不忍着將四府康熙三十五年地丁銀米全與蠲免用示寬恤其霸州雄縣香河寶坻四處皆有水道

薊州志

卷之一

詔諭

三

可以轉輸每處着發米一萬石各差司官一員齎往照彼地時價減值發糶以資民食着行文該撫通行曉諭俾均沾實惠副朕軫念災黎至意爾部卽遵諭行

康熙五十五年十二月二十六日

諭戶部朕御極以來念切民生時勤宵旰凡巡歷所至必以編氓疾苦備悉諮詢蓋欲比戶之蓋藏恒裕三時之水旱無虞斯民氣和樂聿成豐亨豫大之休也頃者朕巡行口外經過三河等州縣暨永平府交界地方見今歲秋收豐稔米價稱平惟是去年雨水過溢田畝間被淹沒朕深加軫惜蠲賦平

糶轉漕分賑貧民使不至失所今者雖復有秋然僅支一歲之用恐來年之輸將尙多難濟是必再沛恩膏始可培民力着將順天永平兩府所屬大興宛平通州三河薊州遵化順義懷柔昌平寶坻豐潤平谷玉田良鄉涿州武清香河霸州大城文安固安東安房山保安延慶梁城盧龍遷安樂亭灤州撫寧昌黎山海等州縣所徵康熙五十六年地丁銀二十六萬四千三百三十六兩零米豆高糧二萬一千六百四十六石零草九萬四千九百五十束零俱通行蠲免所有歷年積欠銀九萬三百九十六兩零米豆高糧一萬六千二百七

薊州志

卷之一

詔諭

四

十五石零草八萬四千四百七十束零亦併與豁除爾部行文該督嚴飭所屬實心奉行俾遐村窮谷均霑德惠倘有不肖有司藉端濛混私行徵收者察出定行從重治罪爾部卽遵諭行

雍正六年十月十四日

諭戶部直隸爲首善之區今歲春麥秋禾俱登豐稔民人樂業朕心深慰但地方有歷年帶徵之錢糧若令閭閻之間新舊並納雖逢豐稔之歲而民力未必寬然有餘因思歷年帶徵之項乃頑戶之所積欠也明年額徵之項乃衆民之所輸將

也若欲使小民共被恩澤惟有將明年之賦預行蠲免則比戶可以均霑查直隸額徵地丁等項二百四十三萬餘兩本地支銷俸工及兵餉驛站等項應給銀二百零二萬兩其應起運者計四十一萬七千八百九十兩着將雍正七年額徵錢糧內蠲免四十一萬七千八百九十兩爾部可確查分數行文該督通行所屬州縣一體敬謹遵奉以副朕愛養黎元嘉惠畿輔之至意倘官吏等私自多徵朦濶中飽或地棍等包攬侵蝕作弊藏奸又或有司奉行不善使百姓不得均霑實惠經朕訪聞必重治其罪並將總督司道等嚴加處分

薊州志

卷之一

詔諭

五

雍正七年二月十一日

上諭薊州城係新修微有頽壞之處及時修理甚屬易事若視為膜外任意遲延日久益隳必致繁費其城垣坍塌之處著該州卽行修補該州知州係新任之員此事尚與伊無干嗣後該州遇有陞轉離任等事將城垣有無頽壞與接任官交代若交代不明即著落前任官修補將此旨傳諭伊等再傳諭內閣凡直省有新修城垣皆照此例行

乾
二年四月
初八日
總理事務王大臣奉

上諭今年春夏以來京師畿輔雨澤稀少而山東地方亦有缺

雨之郡縣朕已屢降諭旨多方籌畫以爲先事之備今思節
近小滿甘霖未降麥秋料已失望民心未免惶懼除已經降
旨緩徵外着將直隸通省今年應徵地丁錢糧蠲免七十萬
兩山東通省今年應徵地丁錢糧蠲免一百萬兩俾民力寬
舒民氣愉暢如將來仰蒙

天佑霖雨普施秋成不至歉薄則閭閻霑朕格外之恩亦加惠元
元之誼所謂百姓足君孰與不足者嗣後如得雨稽遲有妨
農事則應行賑恤等事仍應加意辦理毋使一夫失所該督
撫當仰體朕宵旰焦勞惠普黎庶之心督率有司敬謹奉行

薊州志

卷之一

詔諭

六

務使小民均霑實惠並出示通行曉諭知之

乾隆四年三月二十二日內閣奉

上諭朕念切民生時厯宵旰或各督撫陛見或遇司道各員請
訓務以編氓疾苦備悉諮詢惟期海隅蒼生培固元氣庶臻
家給人足之風比年以來畿輔地方屢遇歉收而江南舊年
被旱尤甚此皆朕之不德以致

上蒼示警遂使吾民有乏食之虞朕甚恤焉今幸賴

上蒼恩佑各省春雨頗周足資耕種今念三省之民幸有以安其
心尙未能復其舊其被災處所旣以蠲賑頻施屢頒諭旨茲

當開徵之期在被災者固屬艱難而未被災之地同在一省雖有輕重之分而乏食受困則一用是特頒諭旨將直隸所屬今年地丁錢糧蠲免一百萬兩安徽巡撫所屬今年地丁錢糧蠲免六十萬兩該督撫務將朕旨家諭戶曉俾閭閻均受實惠庶幾和氣致祥以仰答

上天之恩而培民生之本倘有貪官污吏借端苛索或私行徵收者該督撫不時察叅該部卽遵諭行

乾隆十年六月初十日奉

上諭我朝

薊州志

卷之一

詔諭

七

列聖相承深仁厚澤無時不加意培養元元以期家給人足百年以來薄海內外物阜民康共享昇平之福朕臨御天下十年於茲撫育蒸黎民依念切躬行儉約薄賦輕徭孜孜於保治之謨不敢稍有暇逸常守節用愛人之訓凡以爲民也今寰宇敕寧旣鮮糜費之端亦無兵役之耗所有解部錢糧原爲八旗官兵及京員俸餉之所需計其所給較之宋時養兵之費猶不及十之一二至於各處工程爲利民之舉者亦祇取給於存公銀兩卽朕偶有巡幸賞賚所頒亦屬無幾是以左藏尙有餘積數年來直省偶有水旱朕加恩賑濟多在常格

之外如前年江南被水撫綏安插計費帑金千餘萬兩凡此皆因災傷補救而沛恩澤者朕思海宇乂安民氣和樂持盈保泰莫先於足民況天下之財止有此數不聚於上則散於下仰維我

皇祖在位六十一年蠲租賜復之詔史不絕書又曾特頒

恩旨將天下錢糧蠲免一次我

皇考旰食宵衣勤求民瘼無日不下減賦寬徵之令如甘肅一省正賦全行豁免者十有餘年此中外所共知者朕以繼志述事之心際重熙累洽之候欲使海澨山陬一民一物無不均

薊州志

卷之一

詔諭

八

霑大澤爲是特降諭旨將乾隆丙寅年直省應徵錢糧通行蠲免其如何辦理之處着大學士會同該部卽速定議具奏
乾隆三十八年三月二十日內閣奉

上諭朕此次巡幸淀津閱視永定北運河工程躡路所經見村民温飽恬熙足爲欣慰而幸值農餘更宜爲之培養元氣業將沿途經過之宛平等二十州縣及天津閭屬未完節年緩帶民欠銀米豆穀概予豁免以昭愷澤但念乾隆三十六年被災最重者二十四州縣其宛平等十五州縣積欠已在經過蠲免之列惟通州三河寶坻香河薊州寧河豐潤玉田寧

晉等九州縣鑿輅行所不及僅免三十五年以前而其地多有與經過各州縣界址毗連者此徵彼免小民尙未免向隅着再加恩將此九州縣三十六年分未完緩帶地糧一萬五千六百六十兩三錢本色豆四百八十一石九斗九合亦一併蠲免俾前此積疲編戶均沐恩膏以昭省方行慶渥澤普覃至意該部卽遵諭行

乾隆四十九年十月初九日內閣奉

上諭緊古帝王御世建極凝庥上有敷錫之君下享康寧之福洎乎近代史冊渺稱我

薊州志

卷之一

詔諭

九

皇祖冲齡踐祚統馭寰區仁漸義摩涵濡休養康熙年間曾舉行千叟宴與中外臣民躋壽宇而迓繁禧誠爲千載一時之嘉會朕誕膺丕緒敬紹鴻圖仰承

昊蒼眷顧福祐朕躬年逾古稀尙能康彊勤政惟是斂時錫福期舉世咸登仁壽着於乾隆五十五年正月初六日舉行千叟宴盛典用昭我國家景運昌期重熙累洽嘉與中外臣民耆老介祉延禧之至意所有一切事宜着各衙門敬謹預備欽此

二月二十三日奉

上諭朕仰蒙

昊眷年屆八旬已降旨將各省錢糧普行蠲免茲恭謁

兩陵巡幸山東鑾輅經臨之處童叟歡迎情殷愛戴允宜廣敷愷

澤普惠畿民因念直隸各屬節年因災緩帶銀糧貧民無力

完納積欠甚多着加恩將乾隆四十五年至五十三年未完

糧銀一百四十二萬八百六十八兩零改折銀二萬一千九

百三十兩零屯糧四萬二千九百八十一石零屯穀七萬九

十八石零屯米三百一十四石零全行豁免俾窮簷得免追

呼其安耕鑿用副朕省方觀俗行慶施恩有加無已至意該

菊州志

卷之一

詔諭

十

部卽遵諭行

臣謹按

國朝

列聖相承仁義覃敷淪肌浹髓宇宙之內無不仰沐

生成固非臣下頌揚卽可鋪張

盛世因思每逢

慶典疊沛

溫綸地方偶有偏災上頌

宵旰煌煌

聖語超越典謨維山僻小城記載不能詳備謹就見聞所及恭
錄數章亦足以見

九重懷保之殷無事不以斯民爲念也

薊州志

卷之一

詔諭

十一

宸章

聖祖仁皇帝

駐蹕薊州城南遠眺山村

萬騎驂驪擁薊城風行雷出遠天清微霜細草野狐懼寒露荒
煙山鳥鳴捲幔浮涼侵帳殿依床明月似都京欣隨

聖母遊情曠深夜還思勉悫誠

薊城遇雪

凍雲封樹薊城西玉蕊輕盈亂馬蹄憶想年年常過此何曾瑞
雪遍山谿

薊州志

卷之一 宸章

十一

高宗純皇帝

游盤山記

連太行拱神京放碣石距滄溟走薊野枕長城是爲盤山蓋冀
州之天作俯臨衆壑如星拱北而莫敢與爭者也昔魏田疇隱
居於此故名田盤或曰古有田盤先生自齊來棲止焉地僻而
山秀樹密而谷深韓昌黎文所稱太行之陽有盤谷者無從考
其非是而其爲隱者之所盤旋則一也山亦有盤谷寺自唐寶
積開堂代有名宿慈山拙庵後先輝映爲是山佳話然吾儒木
石居而鹿豕游者田疇之遺無聞焉四顧梵宇精藍依山隱谷

鏤峯磨石刻畫天真而乏柳州西山之文杜陵北征之作嗚呼是亦可慨也已乾隆七年秋因謁

陵迴鑾便往游之斥警蹕減儀從輕輿朝陟零蘿扳磴曉嵐豁開泉白山青颯然林空鬱然松翠於是停蓋駐轡怡情縱目者久之既而行漏催吟興盡夕陽在山金吾整駕雖命省驛從而近御執事者汗雨揮而塵煙騰向謂隱者之絕少翻疑隱者之避而遠去耳迺知千乘萬騎不可以游山偶一過之山靈將毋笑其不韻也耶

薊門煙樹

薊州志

卷之一 宸章

三

蒼茫樹色望中浮十里輕陰接薊邱垂柳依依村舍隱新苗漠漠水田稠青蔥四合鶯留語空翠連天雁遠遊南望帝京佳氣繞五雲飛護鳳凰樓

漁陽

漁陽古名郡沃野遍桑麻士俗能知禮民風喜不奢長途來百里懷古憶三搗恰值清明日迎神晚出衙

州民以清明日鼓吹迎城隍神謂之出巡

望桃花寺

疏山迢鳥道間樹出精藍殿閣凝秋靄川原靜曉嵐鐘聲天半叩塔影鏡中涵尙憶十年事孤吟古栢南

行營晚秋

原隰靜深秋
峯巒銜日暮
風來谷口寒
落霞亂歸鶩
點野有黃花
繞村無綠樹
卽事一徘徊
曠懷良可賦

途次雜詠用上平聲韻

黃鋪御道翠華東
剛過重陽落帽風
晃漾霜花盧野白
迷離煙樹薊門紅

村村社鼓熟秋醲
插鬢花斜醉老農
便欲咨民疾苦事
扶攜黃白許相從

淋河不用布帆簾
疊石爲基木作杠
行過龍門迴望處
野煙寒

薊州志

卷之一 宸章

古

葦占秋江

素空片月照瓊帷
搗管聞吟有所思
去歲龍沙今薊野
幾忘駒隙暗中移

松柏森森闕

寢扉每從冠劍仰

音徽人生至此無餘恨
淚灑西風獨自歸

良農帶月耕新隴
野老凌霜剪舊蔬
寄語膏粱知此味
豐年漫恃衆維魚

犁罷麥田牛舐犢
宿來蓼浦雁呼奴
薊州南郭經行處
不與江

鄉秋景殊

何年峯頂建招提
翻覺嵐光出谷低
他日吟詩雲壑上
鈴聲幡影待重題

焚檀漉雪趁清懷
幔屋蕭閒可作齋
攜得沿途秋色在
一枝野菊插瓶佳

煙程水驛共徘徊
炊黍蒸梨入賦材
九月金風多北至

陵佳氣鎮東來

九秋風物趁時巡
信是農居別有春
多黍欣同孫子樂
爲旛還兆室家溱

薊州志

卷之一

宸章

五

石路琅玕鎖碧簷
上方鐘磬下方聞
山僧閉戶叅無始
不管閒階歸晚雲

一川暖影散朝暎
白草黃榆逼塞垣
豈爲豫遊紆逸興
幾多民瘼待思存

朝嵐夕靄逗輕寒
絳樹黃花秋未殘
詩裏河山疑白社
望中圖畫是田盤

虎帳幾餘暮景閒
坐看孤鳥自飛還
却憶盤山山絕好
吟詩遙寄白雲間

白澗行宮晚坐

離宮迤邐偶停驂
魄月遲遲上遠嵐
象外真詮誰得會
環中佳趣我須諳
山容自寫癡黃幅
徑曲遙通古佛庵
憶昔閒吟瀟灑地
遷無遷處正宜參

登雲罩寺定光塔

視下會無地言高
只有天常時雲外影
今日塔前禪步步
煙霞路行行般若船
問誰經到此尙有俗塵蠲

白澗行宮疊舊韻

爲謁

橋山整六驂遙觀積素
電煙嵐廿年歲月空而幻
終古

薊州志

卷之一 宸章

七

恩勤夢亦諳古樹無梢全似畫
清軒小坐却如庵
眞常識得非常住不向維摩悟處參

二月十五日過薊州卽事書懷

脈起鱗塍淨絕塵
沿塘初見柳條新
薊州西畔經行處已有江南一段春

矮屋疎籬逕轉斜
寥蕭詩景奏懷賒
當春最有傷春者何必花朝更看花

朝來快雪喜新晴
添得溪流活活聲
若比去年差較勝東郊是處可深耕

幾年來往薊州道不覺鬢鬢換少顏天外遠山常住體白雲花
樹只閒閒

寄題獨樂寺

欲留羲御問遷移便是拈花不語時丈六金身應好在春風過
客偶相思禪心遠逐穿雲磬古蹟空傳沒字碑烟柳絲絲新綠
嫩卽看拖地有長眉

桃花寺行宮作

招提據嶺複望望紅霞殷行宮構其旁來往止頓便昔我少年
時題詩松竹間歲久日就圯不復稅征鞍往往過其下輒爲重

薊州志

卷之一

宸章

七

留連去歲稍修治剪除棘與萑匪同賦經始成亦不日焉春風
二月半輕輿歷薊田山容宛相迎軒榭堪周旋泉聲共松韻似
話宿昔然維有緋桃花含胎遲芳鮮物應有深意脈脈誰爲宣
寂寥見賞稀榮華詎久妍如來特拈來示我如是禪

題翠雲山房

於隆福寺右建行宮一區爲止頓之所峭壁環抱松柏
特秀題曰翠雲山房而系以詩

勝地偏宜六轡停山靈爲我列雲屏心如靜會塵應遠耳與神
謀籟可聽一室虛生無限白四時不改總常青土階何意希堯

儉陋矣端惟有德馨

朱華山酌酒

兆叶維熊憶舉男髫齡書史卽深耽
墳前省識吾懷悼地下應知汝抱慙
覺後夢因原是幻悲深痛定更難堪
從今擬廢蒼舒誅古佛無生叩寶龕

再題翠雲山房

平生山水心勝地輒留詠虛軒愜
遠寄萬象供臨凭嵐靄朝夕變峯
巒前後映秀是圖畫體貞爲松柏性
如是契靜悟終古大

圓鏡

蘄州志

卷之一

宸章

六

桃花寺八景以題爲韻

湧晴雪

濟南趵突泉爲宇內名勝然平地湧出此得之山半尤奇
澄澄匯鑑池淙淙出乳穴始訝古琴鳴乍惜明珠裂聲色
縱橫地坐對兩清絕積素在高峯是復湧晴雪

小九疊

飛崖懸水冬夏不涸康王谷香鑪峯豈以大小殊觀
會聞峯有鷲不數溪稱雪洗鉢走白龍之而振髯鬣復如延津
劍駘然出其匣底須憶匡廬愛茲小九疊

吟清籟

倚松爲軒謾謾有韻

倚松架三楹屏風抱其外山靈茯苓潤風古笙簧會偶來坐白
晝爲我吹解帶是地可消夏旦夕吟清籟

坐霄漢

橫檻據岑蔚處遠延野綠披襟坐眺良足攄我懷抱

虛窗納萬景攬結供吟翰寫霧出我楹歸雲入我幔觸目契靜
悟妙偈無全半却愛考功詩開襟坐霄漢

雲外賞

蘄州志

卷之一 辰章

九

寺以桃花名政不必問武陵春色幾許因拈唐人語題之
有桃卽武陵何必尋源上叶忘俗卽丹臺何必求方丈虛齋古
而朴福地蕭且爽得彼環中妙樂此雲外賞

滌襟泉

山門左側石竇間有泉渟然可鑑輪廣徑三尺許不假疏
鑿

清泚呈圓照虛明向遠天無山遮戶外有水到階前氣合煙霞
潤聲諧竹柏傳塵纓無可濯坐對滌襟泉

點筆石

盤山之勝以石此其左障骨脈相屬往往露奇石
藉松爲繖蓋掃苔作茵席俯眺一川白平臨衆皴碧時聞鹿鶴
聲而無車馬跡得句卽書之恰有點筆石

繡雲壁

連峯列嶂行宮後儼如畫屏杜陵絕壁過雲開錦繡之句
殆爲此設

山川果有奇圖畫真難敵複嶺翠且丹壺天閬其寂消閒臨晉
帖習靜觀周易物物皆達摩而我繡雲壁

薊州道中雪行

薊州志

卷之一

宸章

三

輕陰微雪薊東道時節春分似孟冬却與盤山添絕景憑輿歷
歷玉芙蓉

已欣新潤膏春壠却慮微寒凍麥苗悟得悲歡相倚伏落梅冷
玉漫飄蕭

前朝柳色迎人綠今日梅花入夢芳不與四時榮悴共青山萬
古是真常

望盤山雪色

樹和雪色望難分未到盤山意已欣絕壁白融疑過雨精藍紅
露半披雲始知造物無形畫誰解當前大塊文笑我吟詩成爨

火檀煙心字且閑焚

白澗

宇接花宮景倍清
軒窗小憩足怡情
高松自具雲霞氣
長日時聞梵唄聲
薊夜春光還宿昔
田盤山色早逢迎
流陰不住原常住
靜趣多從卽境生

薊州道中作

榆烟槐火近清明
好是山清水復清
畫理隨方叅氣韻
詩題到處解將迎

下隰高原物土宜
酒旗茶幔軟風吹
漁陽幾度停鞭看
最似江

薊州志

卷之一

宸章

三

南二月時

江南二月我豈知
村牧詩中彷彿之
今日青郊真絕勝
山雲滄澗柳絲絲

溪村幾曲水潺湲
古寺鐘聲不掩關
最愛雲容將釀雨
無妨畫意暫藏山

過獨樂寺戲題

我是先憂人羞稱
獨樂寺獨樂樂無著
先憂憂未墜寂靜
彼禪
往者會題字春風
馬上看自晒成何事

梵宇久凋零落色源流畫

佛有十二源流僧家多畫於壁間

云胡無礙佛雲亦

有隆殺闢黎志安飽六檀非所快頽風不獨茲若曹奚足怪

春日郊行

春郊跋馬薊城西堤柳蘅茵綠欲齊未聽流鶯啼舊樹已看乳
燕徹新泥

問俗歸遲玉勒催杏花村墅靜無埃盤山只在雲深處爲有鐘
聲林外來

開渠引水學江南幾疊鱗生魚意涵更語長官衣食重好教蒨
屋課春蠶

翠屏幾朶玉芙蓉慣是春風馬上逢獨樂寺中柏樹子綠陰應

薊州志

卷之一

宸章

三

護舊題濃

柳暗花明駘蕩辰軟風嫩日屬車塵漁陽自古風流地卽景因
思操鼓人

烟磴盤盤夾樹斜離宮隣是梵王家桃花也解將迎意對客先
霏嶺上霞

桃花寺行宮題范寬江山蕭寺圖

春深草色常凝座雨後山姿正對門藝苑名流故多品獨於范

緩見雄渾

行勝暇日偶開緘未覺眉毛落翠巖

翠巖永明禪師說法云一
夏與兄弟東語西話看翠

巖眉毛
在麼

一例江山相對處便非蕭寺也超凡

最蕭閒處結僧寮杖策何人過板橋好與盤山相印證淡皴濃黛不相饒

谿壑無多望不窮峯疑吐霧樹生風花飛禪院無塵色波渺滄池有象空

桃花寺行宮疊舊作韻

策馬過薊州一鞭朝日殷風物纔和盎未識春色便行行上崇椒離宮陽巘間却見吐緋英依依拂雕鞍含笑乍迎人迤邐磴道連作友有松柏纏根無苻萑似爾得所矣報我復信焉憶我

薊州志

卷之二

宸章

三

前歲春題詩詠玉田芳遲怨女夷武陵空手旋今來時向榮更囑莫復然試看靜者久因悟謝生鮮點筆畫景湊命侶禽音宣卽事感今昔泯念齊枯妍靈磬天風吹重新喫飯禪

桃花寺行宮對雪

山寒雨爲雪靄靄繼霏霏四野連銀海千峯掩翠微不嫌桃蕊凍暗喜麥苗肥謝賦董家法消閒卽景揮

山桃識客來破萼倚巖隈似踐前年約端教此日開稍經風爛漫旋惹雪瑤璫五字評量看無香嶺上梅

離宮耽靜寄春雪湊清娛客訝山蹊失農欣土脈蘇瀑泉鳴益

壯嵐霧鬱相扶暫慰憂仍切京畿得徧無

翠雲山房

鬢畫林嵐足靜供分明日照紫芙蓉拈鬚得句松當戶側耳聽
泉鹿守峯別館暫停春半蹕招提恰送講時鐘樓窗納遠閒憑
眺雪後青郊盡力農

隆福寺行宮六景

翠雲山房

林巒積翠蔚爲行雲朝飛暮凝在我几牖山噓氣爲雲而
山以雲而潤昌黎雜說中龍以雲靈妙合斯旨

薊州志

卷之一

宸章

一

底事名山無定容夕陰朝晦變千峯霑衣常帶濛濛雨作蓋還
依落落松夢入楚王春一枕詩成張射酒千鐘谷神當令豐隆
讓不信昌黎善說龍

翠微室

山鄰田盤高僅及其半隨意點綴殊引人入勝因取爾雅
語名吾室劉禹錫云山不在高良然

巖腰卜築綠雲圍絕勝江樓坐翠微視聽之娛足以極冲容而
靜于焉歸天倪道筦叅元要木疏禽經辨是非疑有廣成丹鼎
跡幾回翹首眎林扉

碧巘丹楓

山中雜樹蒼蔚而楓居多秋晴經霜朱紫絢爛與青山白雲相映荆關得意筆殆難爲工

錦樹經秋設色工絕非畫裏碧兮紅頓教絢爛雲霞上却在尋常指顧中愛聽鳴禽聲迥別每看過鹿友相同朝嵐夕靄山容幻妙悟隨時景不窮

天半舫

依巖爲樓極目無際杜甫詩云春水船如天上坐未若此橫出雲表真泛虛舟矣

蕪州志

卷之一

宸章

三

虛舟何處不堪拏雲水由來總一家興到真教輕杜句眼空直擬泛張槎幾羣鸞鶴隨吟管四面芙蓉入綠紗佳句會心原不遠高眠風月棹烟霞

挹霞捉月

東山初吐流光入帷開軒招之冉冉欲下挹流霞與同賞結契獨深

橫陳西嶺據崇臺不設窗櫺面面開寫霧出楹招便止高山得月喚應來聊因曠朗堪成伴詎爲淋漓共舉杯識得住行原一貫幽情暢敘幾徘徊

翼然亭

出西軒面橫嶺亭中設便坐近納嵐翠遠延野綠彷彿香

山來青景色

峯有飛來亭豈無天然踞此不南圖藉松為幄陰偏秀倚石成章興迥殊茶鼎烟飛雲半野棋枰聲雜瀑千珠寄言縱目搜吟客莫認琅邪巖畔途

桃花寺桃花盛開因成四首

前日含胎今爛然東風信有妬花權遙村來處停輿望只道紅

霞蔚嶺巔

薊州志

卷之一

宸章

美

御園春色因循過省得閒情惹幻塵一例膽瓶重品量

近有膽瓶桃花

之桃源誰是最知津

鬪雪爭春未肯殘揣成侔色轉難安也應識得行人意巧作山

中孤注看

戲蝶遊蜂未覺紛春光一樹已斜曛精藍小住叅生滅漫比瀉

山悟志勤

再題桃花戲作

饒稱古德漫云仙寄語穠陰莫放顛三錫東皇緋換紫榮華都

是謝因緣

桃花寺夜景

烟色淡春宵
蟾光透松隙
含夢穩喬枝
泉聲淙亂石
宿月有夙懷
拈景無塵跡
天地爲吾廬
俯仰虛生白

雨中自盤山移蹕白澗

南峯雲接北峯雲
郊墅微茫驛路分
最愛牧之詩句好
清明時節雨紛紛

白澗行宮對雨

入夜通晨晚復連
閒庭浙浙草芊芊
春霖似此希曾見
野景從茲倍可憐
歸鳥覓巢梳濕羽
征鴻遵渚叫寒烟
一犁大地農夫

薊州志

卷之一

宸章

三

樂衛士休嫌阻客鞭

題翠雲山房

翠雲山房間以靜
暮春清蹕一經臨
連林新綠間舊綠
入戶泉音復鳥音
景齊今昔邈澄觀

去聲

興寄烟霞悅道心
擬驂巖鹿凌

絕頂見人鷲入青楓深

桃花寺晚坐

迴蹕駐林齋
悠然與意諧
泉聲經雨壯
山色爲春佳
月白新懸鏡
松黃半落釵
前年會靜憩
今夕更澄懷

薊州道中作

薊州南郭經行處每有新詩賦物華十里綠陰籠客路一灣流水護農家

警蹕何須戶盡扃問農常爲六驂停今年春雨欣霑足下濕高原一片青

秋麥

漸南地向暖例可播秋麥秋彌啟駕時多稼猶未獲叶迴鑾踰兩月早見倉箱積良農口後時勤作如乘隙今朝歷薊野亞隴有新麥蓬蔥生意佳肥壤含膏液觀茲稍自慰經口未敢遽覘土幸沃潤更藉足三白祈歲口始終勤民無間隔

薊州志

卷之一

宸章

天

白澗行宮晚景

離宮颯秋風古廟森虬柏蒼然暮色暝蟾光露林隙梵唱隔牆聞清機引無斃鐫題在壁間拈吟復今夕

望盤山口號

常時望見田盤翠馬上馳情得句頗一自山陽開別墅較前情更十分親

題翠雲山房

翠雲山房我所喜言之不足長言之林猶隱葉秋禽語峯不藏形白鹿窺昨憶春風吟月色去歲春初駐蹕近收王蒙圖杜詩近有題

山草堂詩 寄語蒼崖及綠樹何能爾許引清思

桃花寺偶題

山館當秋一再過
蜃窗眺遠暢懷多
詎耽野景抒新句
且喜高田熟
晚禾階下泉聲
蒼松籟雲間樹色
隱峯螺縹緗插架
聞繡閣愧較羲皇
治若何

小築雲軒幽賞存
田盤明日駐山園
何妨少許勝多許
不道無言超有言
風入單椒吟柏榭
露涼扁石淨琴樽
瀑飛九疊清音壯
便欲因窮雲外源

白澗行宮晚坐

薊州志

卷之一

宸章

完

下春隱西崦密雲生
北嶺行宮已清佳
况近招提境致兼
松竹幽意與琴書
永去住惟所如今
昔觀平等隔牆聞
鐘魚可以發清省

薊州道中作

江南二月雨吹絲
詩憶司勳想像為
最似江南二月時
丁卯薊州道中句也
時尚未至江南
故次章有江南二月我豈
知杜牧詩中彷彿之句
去歲江南今薊北
較量親切勝年時

旱田種候水田早
黍稻高低物土分
廿里官衙塵不起
又看四字佈春雲

勝國三邊重守防嚴城樓櫓監興亡於今祇慮民滋庶到處樂
懷耕與桑

題翠雲山房二首

地據隆中秀盤盤詰逕幽心依清畧永神與靜爲謀山雨寒徐
點春松翠欲流樓橫天半舫可以縱吟眸

杏纈嶸山雪鶴彈絃嶺風琴音淙曲峽蓋影冪層巖勝地棲遲
暫他時想像中何如消萬慮結念屬雲空

翠雲山房杏花盛開用鄧尉香雪海歌韻以去歲今日怡

在鄧尉觀梅也

薊州志

卷之一

宸章

三

山房駐輦息金吾山房重來如到初東風花事正絕勝南梅北
杏言非誣倚巖扶巘致各別笑雲烘日顏齊舒開不在先亦不
後蓄眼似有神爲模七字未可擱筆罷六非匪爲臨芳紆應時
卽景便且近還羸江國遙征途底須肥瘦較品格均有蜂蝶紛
來趨滿山紅雪香未歇王母嶸山致饋餘勃窣雙成引嘉慶琅
璈雲瑟爲聲娛是雪非海亦非湖仙山自與人間殊儼如佛拈
色空色更欣天假需雲需晚來應有養花雨隔窗點滴參清疎
鄧尉擅名二十載未如幽谷偏高孤興來攜詞爲說項去年此
日剛臨吳去年此日剛臨吳勞勞來往何爲夫

郊行

薊野今年經兩度蒼山詔我無來去春郊十雨兼五風早計豐
秋多黍稌夏未望霖恐致災中夜時深雲漢慮無何得雨惜略
遲切厖閭閻鮮饒裕茲來歷歷閱村郊高廩如京原屢遇粒餘
仍復孳雞豚衣厚知先畢租賦憑輿額慶為吾民更希三白麥
根護

重過獨樂寺

在薊州向每取道城外
茲偶經城內故重過之

山郡寒烟裏祇園粉堞邊禪房有花木向日記留連頽廢嗟如

是施檀亦偶然

是寺為遼統和時所修
燕落已甚因命重葺

邑民似相識瞥眼十餘

薊州志

卷之一

宸章

三

年

白澗行宮晚坐

春甸縱睇寬春宵了不寒數椽聊可憇一晌未遑安風月在今
夕詩書伴古歡短檠羣籟靜理趣愜澄觀

薊州道中

廿里楊街不覺遙淡烟融日近花朝應緣谷口春冰解已有新
波到野橋

郊原土潤不生塵雅似江南薊北春通閏節遲耕未舉桑林醉
社是閒人

溶溶春水下鳧鷖柳色輕黃染未齊分付田盤好相待秀韶深處定留題

獨樂寺

時命重修落成路便臨憩

葺修尙識統和年龍象重教煥法筵詎有廢興縈白業徒聞翰

墨說青蓮

佛殿匾相傳為李白書

往來幾爲飛吟興布施非關種福田小

憩便教清蹕去我非樂獨祇憂先

題翠雲山房

雲外遙瞻翠嶺橫到來翰席澹懷清蝸亭倚巘攀松上蜃牖臨

川數

上聲

騎行入座韶光發新藻隔林山鳥試春聲招提路左青

蘄州志

卷之一

宸章

三

蓮宇幾杵蒲鐘太古情

桃花寺行宮作

半山竺宇古招提高館間房構近西詭石蒼松皆恰當每來默

筆爲留題

桃花寺側花朝度却值山桃尙未開識得仙源真趣者不孤春

色是今來

石泉咽凍淙聲細山鳥知春試語奇月牖凌虛千嶂入率教神

解得於斯

曲折迴廊路轉通疏軒遙在翠雲叢開襟霄漢延清矚奇趣還

同宋考功

春夕白澗行宮作

廣甸諸籟靜澹蕩春宵清春雲時聚散隱現春月明別館時停
驂卽事多怡情宴息戒懷居書吏供研精妙理資探微景行在
躬行

翠雲山房作

春冬無改青雲叢明亭密室宛轉通千秋以上幾編史半日之
想十畝官風清月白儘堪訖今來昔去其何窮蒼巖拔地有純
識不著一語參穹窿

蕪州志

卷之一

宸章

三

題翠雲山房松樹

創築巖齋就種松今來翠榦欲擎龍因知得地成原易會至參
天孰與從

桃花寺行宮三首

山桃蓓蕾欲開花昨日春陰寒轉加不肯一齊都放了女夷今
解惜韶華

寺側軒齋可十楹有松蒼古有泉清泉聲松韻相酬答七字其
間適爾成

虛窗舍遠臨無地老栝擎空帶有雲排遣塵縈歸淨業來參大

塊箇中文

獨樂寺疊去歲韻

梵宇維新又隔年經過小憩淨廬筵了無諸慮翳心鏡喜有羣
峯削掌蓮不識寺僧誰說偈何如春鳥解芸田行雲流水參今
昔謝孟唾他較後先

薊城西

策騎春日薊城西凍蘇脈土多淤泥前旬甘雪太優渥却教農
父遲翻犁北方地高例愁旱方欣膏澤及時善過潤艱耕乃見
茲對之又為愁展轉高原下隰難齊均彼難均者皆吾民此地
去年况遭澇麥秋亟望調飢貧春雲邇日頻沾浥願雨高原停
下隰鴻鈞應物本大公豈似人情分等級

薊州志

卷之一 宸章

三

薊州道中覽古

宿潤罨林嵐蘭衢好跋驂風光過上已郊墅似江南戍守今堪

指漁陽為勝國 郵程向所諳王公雖設險在德有名談

憩獨樂寺

祇園路必經春蹕小延停僧野罷禪戒佛空泯色形少年頻此
宿古柏鎮前庭似向高齋話鬢霜添幾星

半巖廬對月

即翠雲山房
別室名也

得地翠雲間結宇花宮側時暘春氣暄散步聊攀陟翠巖見新
月蒼然亦入夕衣袂復微涼巖廬歸靜他種松已長成玉盤掛
寒色淪淪流入懷萬籟一時寂此景自太古儻然斯偶值明當
謁

珠邱子懷曷有極

桃花寺行宮卽目

地近青蓮迥絕塵榻來與會又從新牕含遠景正無盡筆點諸
峯自有神綠野潤霑三月雨繡巖芳鬪一天春花源不著通溪
水那慮漁郎忽問津

薊州志

卷之一

宸章

畫

望盤山未至

東陵祇謁自東還西望

西陵縹緲間按日郵程猶覺久盤山那敢暫遊山

雨後諸峯致益佳紅鮮綠潤繡屏排飛來逸興輕輿上何異搜
吟阿那齋

詭石危松總出奇真佳會未住多時別來又早二年度自問經
營竟若爲

白澗行宮晚坐

春月出林明春宵澹復清砌花經雨發簷鳥向人鳴何必較今

昔都堪悅性情翻書思汲古惟是慙去聲躬行

題隆福寺行宮六景用去歲韻

翠雲山房

今春較去歲猶寒新葉仍遲衆樹端曰翠惟松無改色似知予

詠事將完去歲以踐昨六旬符願恭叩 祖陵用申感謝今歲授璽子皇帝尤應躬率展謁以昭祇告之忱是以

行宮六景仍用去年韻成詠卽斯翰墨亦慶得全將來再謁山陵駐此卽可不復各景分題階前松樹常青似亦知予意也

翠微室

明廷授受擬危微攜謁

薊州志

卷之一 宸章

美

東來

西日歸謝滿六旬及禪去聲位勞勞途路孰言非

碧巘丹楓

楓丹巘碧尙時遙似覺色形寂聳椒應識華原出於寂及華那

免究爲凋

天半舫

舫乎天半擬胥幻立字奚妨意寓微若論目前時與事安名亦

未必全非

挹霞呌月

霞來去任一時偶月滿半原萬劫應恒暫有無中得句泐巖
字識予曾

翼然亭

卽景如詩亦如畫題時非佛亦非仙卷中書滿應絕筆

去歲題是處六

景詩以卷末書滿原擬再來不必每景分詠今年以攜子皇帝
恭謁 山陵駐此似又不能已於題什因命於卷末接長紙

幅書之亦無不可 笑此補篇自輾然

駐蹕桃花寺叠丙申詩韻

攜子叩

思得禪去聲來六旬滿似

蘄州志

卷之一 宸章

三

祖艱哉

皇祖八齡登極在位六十一年已屬自古帝王所罕
觀予登極之初焚香告天在位得滿六十年卽當傳

位不敢上同 皇祖六十一年以次遞增然其時予已二十
五歲實未計傳位時壽當八十六乃竟幸符初願今歲元日授
璽于皇帝而精神強固勅幾訓政猶不減昔此更爲史冊之所未有也 射熊殲虎況如在 康熙壬寅子隨

皇祖木蘭行圍初入永安莽喀 皇祖鎗仆一熊伏不
動久之 命御前侍衛引予射之意欲予於初圍卽有獲熊

之名也子甫欲上馬而熊突起 皇祖復御虎鎗殪之既而
入武帳顧 温惠皇貴太妃述其事曰伊命貴重福過於子

又一日虞人告有虎 皇祖命二十一叔父後封慎郡王者
往子奏願去 皇祖撫子頰曰侯朕往之日攜汝去似此

深恩至今已七十餘年如在目
前每一念及輒不禁潛焉涕下也 憶

惠寫悲迴以纒虛牖空紗暢俯流泉落澗石增培丙申曾詠紅

旗至

是處行館臨崖三間向南飾屋窗可以眺遠丙申春駐此
適阿桂奏攻克金川噶喇依賊巢紅旗捷至於窗中卽遠

見驛騎馳到喜而成什邛日盼望福康安和琳擒獲逆首石三保石柳鄧等捷音甚切迴憶丙申情景惟冀相符以慰殷盼盼捷猶然眉那開

雨 三月初十日

謁

陵返蹕喜佳晴山館憑窗盼捷旌

昨日駐桃花寺天氣晴朗憑窗遙盼福康安和琳擒獲逆首捷

音冀如丙申攻克金川紅旗報奏甚為懸切

銀漏丁丁聽夜徹金輿浙浙冒

天明固知沃野方欣透稍慮長途衆礙行日雨日暘日時若幻乎

難定是人情

白澗行宮晚坐

蘄州志

卷之一 宸章

三

卯行先

去聲

午駐常例衆知齊農慶如甘膏

夫聲

役欣未滓泥

農人喜雨

行者怨人情類然今日雖遇雨而道弗致

兼逢兩全幸誰識獨

思齊西北風吹晚時晴想定兮

白澗行宮作

今年春雨勤實利田功好隔日復霏絲敢惜較前小

十一日得雨盈尺有

詩紀之十三日復雨僅入土寸餘但經霑足之後亦不覺其小矣

石棧艱跋涉因避大嶺道

前日

至盤山行宮路由蓮花嶺昨經雨後恐石棧徑仄渾滑難行因改道駐蹕白澗行宮計程二十九里路既坦平更得早至耳

就平駐白澗路近到更早僕役總役慰農夫益歡笑

叶

五字寫

紓懷戒盈惕泰保

仁宗睿皇帝

獨樂寺

古刹薊城中誰與題獨樂釋氏惟兼愛於意無住著發彼三藐
心欲解四輪縛丈六亦非身巍然立高閣摩尼一串珠曼陀萬
花落菩提寂無聞人天振梵鐸怡情聊詠之吾樂在咸若

望田盤

田盤亘絕塞太行脈來遠雲罩冠高峯千相開秀巘丹鳳勢迴
翔蒼龍形蜿蜒可望不可登長途去復返薊野春風柔鳴鞭下
平坂何時訪禪關杖策尋鹿苑

薊州志

卷之一

宸章

三

恭和丙戌

御製題隆福寺行宮六詠元韻

翠雲山房

嶺表長松結翠雲

行宮傑出氣氛氲龍鱗捷獵凌霄漢下視扶搖思不羣

翠微室

老樹千尋嶺四圍朱楹環瞰遠山微春來風景尤增麗不斷青
蒼衆妙歸

碧巘丹楓

碧巘參天正色留丹楓千樹出峯頭不須渲染米顛拜槃礴神
工筆暗投

天半舫

畫舫居然天半浮豈緣春水作清遊凌空寓意邀

宸顧絕勝仙人竹葉舟

挹霞叫月

西嶺明霞東嶺月坐探清賞各因時挹來叫取都非幻真境全

關造物爲

翼然亭

蘄州志

卷之一 宸章

早

笠亭取義記環滁山水之間此庶乎

宸翰標題照萬古憑虛漫擬智仙徒

曉至盤山請

安畢卽景得長律四首

曙色熹微欲曉天田盤北望境超然

龍旌巍啟山莊敞

盤山行宮名靜寄山莊

鳳翼高張紺宇連嶺抱紆迴齊碧

落林深窈窕鎖寒烟屏開薊野鍾奇秀太古雲嵐千百年

太古雲嵐

寢殿扁額也

少時曾侍

與遊

乾隆三十一年秋九月恭隨
皇太后駕至盤山

彈指光陰十七秋境自有常

終靜寄與原無住暫淹留但看落蒼松古祇覺潺潺碧水流

未識此間真面目少林盤谷漫探求

少林盤谷
皆寺名

物外堪稽蓮社蹤傳聞七十二禪宗

盤山大小七十
二寺見志書 巍峩雲罩

峯頭塔

雲罩寺在山
之最高處

蒼翠東甘澗底松

東甘澗
地名

千相招提林影

靜

千相
寺名

半天樓閣樹陰濃

半天樓十
六景之一

太行一脈雄姿占屏障巖

關二百重

馬上看山按轡行暫探佳景覺神清橋通曲澗鐘魚答徑轉深

林烟霧生漫向精藍參法諦聊將景物付吟情笑無住著紅塵

薊州志

卷之一

宸章

望

裏又啟長途過薊城

翼然亭遠眺

峯頂危亭號翼然巍峩獨冠萬山巔登臨盡攬陽春景眺望平

開綠野烟險峻懸崖森古木微茫遠水汎清漣更看麥穎連阡

陌渺渺波光翠接天

曉行次十一兄壬辰舊作韻

拂曙啟郵程明發白白澗迎眸遠樹齊橫接朝烟斷廿里路非

賒又指臨洺縣麥苗萬隴頭綠意鋪芳甸雞犬盡聞聞淳樸風

真見春時寒暖殊雲氣陰晴變郊原三月天麗景真堪選行行

野村鐘聲透佛殿

憩獨樂寺

刹流傳千百年僧房小憩暫停鞭應知花鳥含禪理翻笑鐘
蕭惹俗緣莫道時時無住著須防處處有牽經試參獨樂歸何
旨鶴在雲霄月在天

薊州道上大風作歌

春風披拂生萬彙箕伯揚威振天籟大千孔竅皆應聲雄音直
塞乾坤大豈同江上逢石尤騰波能阻行人舟北地乘馬自嫻
習據鞍柳陌舒吟眸遠峰全失青螺髻乍轉巖腰一峯立千林
蕪州志

卷之一

宸章

聖

蕩激勢莫當百花齊放憑呼吸鳴鞭問景成新歌願收猛勢揚
春和商羊起舞豕涉波一犁甘雨滋培多

憩獨樂寺

古寺千年薊郡標額楣獨樂義元超風旛不動烟光靜香窟微
含月影遙見性新新空業識傳燈湛湛朗心苗衆生歡忭瞻巍
座何有何無過卽消

題隆福寺行宮六景

山房枕山畔峯翠合溪雲階下百禽集林端萬綠分石梁春水
漲梵寺暮鐘聞散步迴廊際闕觀壁刻文

翠雲山房

窈窕得平坦簷頭額翠微青山盡春色綠樹透清暉茂密林巒
繞縈紆水石圍茅茨存古意奚必更飛翠翠微室

景似因秋號春來未得看巖添今歲碧楓隔去年丹著迹非真
境隨時可靜觀更循幽徑裏亭上暫盤桓碧巖丹楓

恰來天半坐舫室俯平阿柳浪翻前渚松濤下峻坡臨風情最
遠把筆思如何恍憶鴛湖裏揚帆此日過天半舫

天然闢圖畫境擅命名先未遇挹霞客誰逢叫月仙清光現山
影錦綺接林煙拂曙宜西望赤城寶鏡懸挹霞叫月

更上翼然亭憑虛入窈窕水凝雲母綠山染佛頭青松影席間
蘄州志 宸章 三

落琴聲座底聽明晨束裝去佳境一番經翼然亭

喜雨吟

四時首春重農事春雨真如膏澤利北地惟恐有旱荒天澤滂
施民命繼近年畿省得屢豐倉庾陳紅斯上瑞昨冬大雪去遺
蝗今歲春和五出濟如絲甘雨又滋培

帝心感召欣備至適來蘄郡司祭儀一路風光兆稔歲田間浸潤

不生塵新耕叱犢看鱗次夜來濃陰結密雲曉起輕颺拂行騎
漸看點點下高林遂覺霏霏滿平地煙景冥濛得曠觀豈惜征

袍漫衣製左傳成子衣製杖拂隴尤欣秋麥宜舍林亦喜春花

戈社註製雨衣也

麗波添鴨綠增漲青柳重鶯黃
新翠自辰遠午代優滋遠望
巡旌想如是好生之澤不崇朝
遍潤寰區免瞻企

獨樂寺

兼愛本佛心云何樂稱獨若以人我見求魚斯緣木各有樂境
存何事判僧俗子輿闡與眾涑水徒庸福皆大歡喜言願向空

王祝

隆福寺瞻禮

王氣靈長自大東法輪

盛京寺名

隆福共尊崇梵經妙蘊三車闡國

語精微一貫通

是寺僧眾咸誦清字經

古佛式憑虔祝

薊州志

卷之一 宸章

四

暇外藩來觀效呼嵩莊嚴巍煥人天仰永護

山陵萬載同

翼然亭遠眺

環滁題額本歐陽卽景標名到上方襟帶山川三輔地踞盤龍
虎五雲鄉春光歲歲留題美樹色山山入畫蒼遙指招提新創
建晚傳梵唄韻悠揚

薊門歌

大野蒼茫捲寒霧鳴鞭北指薊門路薊門云是古戰場只餘漠
漠黃雲戍村墟鱗比淨烽煙耕鑿盈寧逾百年重闡高接長霄

朗中有古剎瞻巍然古剎何名名獨樂丹碧輝煌結層閣擘窠
四字歷千秋相傳太白雄筆落我來喜趁冬旭融僧房一曲幽
徑通品茶小住多佳趣路啟雲嵐東復東

隆福寺登樓夕望

每來行館必登樓曠覽川原淨綠疇樹冒斜暉金碧色畫成仍
是一林秋

四圍山色若相連一帶寒流繞檻前遠近景光含晚翠東峰涼
月破松煙

隆福寺瞻禮

衢州志

卷之一

宸章

巽

山畔花宮建來瞻暫駐驂無邊原是一有乘不須三筏喻法能
捨波羅味自甘因緣漫思議獅座禮和南

獨樂寺

獨樂意云何經年又一過聊參趙州旨漫惹玉川魔寶閣瞻龍
藏金身現普陀去來原不住隨遇養天和

晚眺

百里峰巒勢勁道舫名天半景全收

樓名天半舫

歸鴉幾點寒煙罩

野渡一灣玉鏡浮入座松濤翻翠蓋隔林梵唄下朱樓隆冬不
覺寒威冽黍谷陽生理可求

薊城道中

秋稼登場圃民情樂歲豐林霞明似綺嶺旭暖如烘路指

橋山近心欽

聖澤隆撫衷頻惕若霑灑望高空

隆福寺行宮登樓對雨吟

四山風送山雨急潤繼前宵遍原隰當春此景不易逢貽我來
牟收玉粒長途微渟豈辭勞稅駕行宮俯綠皋層樓每至必登
眺拾級一覽峯巒高松濤合煙盈几席林霧低幕雲無隙簷端
銀竹已傳聲遙看宿夢增新碧北省欽蒙

薊州志

卷之一 宸章

吳

天澤優春膏既足兆有秋還祈洗兵慰

聖念喜音即日來官郵

桃花寺行宮晚坐

禮成旋蹕別雲山餘慕猶縈方寸間暫駐征鞍憩行館試參淨
業叩禪關崖明晴日天澄霽雨助天桃花燦顏吉兆還祈符丙

歲捷音飛報靖苗蠻

乾隆丙申春

皇父祗謁

東陵

諾木及其母姑兄弟紅旗捷奏現在逆首石三保等經官軍四面攻圍釜底游魂斷無稽誅之理惟盼捷音即至以符佳識

獨樂寺

寺標獨樂義奚求兼愛原稱墨者流饒舌豈于皆是幻一心無

逸凜先憂

片時小住悟茶禪
丈室清幽少俗緣
心感金仙方便力

慈雲法雨潤春田

薊城春雨八韻

離畢逢春好知時
甘雨連霖沉接嶺
霧霽層隱林煙嘉
霽滋芳甸良苗茁
甫田散絲織新柳
添漲泛長川灑道
清塵壓憑輿潤景
全雲低山影近風
靜水紋圓佳兆符
三月神功溥八埏

聖心增悅豫

昊旣倍恭虔

薊州志

卷之一

宸章

三

薊門烟樹

春色無邊布薊門
喬林烟靄霽平原
滋含新雨柔莎展
光映朝霞遠樹翻
綠徧坡陀蕃宿植
青敷澗壑茁陳根
三陽普洽興農事
幾甸先叨

化育恩

薊野

往來遵大路春意滿
郊原白雪積平甸
紅霞接遠村新滋
含嫩甲宿潤透陳根
撫字誠非易民艱
時細論

薊城道中

前明稱重鎮今日慶昇平萬嶺如屏疊千村若畫呈林烟乍隱
現嵐霧倏陰晴仰首

珠邱近彌殷悲慕情

薊城早春

長途鋪雪景攬轡緩行程冰結曲溪厚玉琢疊嶂清迥望五雲
渺依依孺慕縈沙棧傍嶺脚延矚過薊城條風轉玉律淑氣市
井盈民安心始慰祝

天錫昇平邁歸舉

夫祀爲農重始耕去歲潦初涸敬願百穀成

薊州志

卷之一 宸章

吳

薊城道中

石棧崎嶇拂曙行傍山依樹近州城霜清益覺悲心切雲渺空
揮淚眼盈

恩厚天淵衷永慕感深風木候頻更籌戎時夕意難釋猶恨餘邪
未盡平

獨樂寺有感

獨善其身釋理通帝王之樂天下同小民多苦四海大先憂後
樂吾素哀蕪故爲君有何樂水旱盜賊憫困窮深慙繼述懷
考訓祈大歡喜惟

吳穹

望田盤

春山如畫絢晴雲
草淺沙平趁馬蹄
霞起林腰相掩映
雲生峯頂互高低
依依新柳臨官陌
隱隱天桃露野溪
展謁

丹邱施靜寄探尋名勝寫新題

薊城道中

孟春瑞雪敷畿甸
綠滿郊原欣透滋
宿麥懷新抽嫩穎
垂楊應候拓長絲
青崖掩映出林角
碧水縈紆漾澗湄
東望

橋山心感慕永思

薊州志

卷之一

宸章

吳

考眷曷勝悲

今上皇帝御製

應

制題關內十景畫冊

十之一

白澗晴雲

沈寥一色薊門秋
軟草平沙白澗幽
路接田盤山擁翠
派連洶澗水分流
安恬已見民風樸
膏沃綠知地力優
課雨占晴豐樂景
天開雲物慰

宸游

恭和

御製桃花寺行宮作元韻

山徑紆迴度駿騮
山桃豔麗灼新華
千株遠勝天台景
幾處初成谷口霞
峯半清泉聽更近
殿東古剎望非賒
流雲片片晴霄澗
沙際遙看雁陣斜

恭和

御製至靜寄山莊卽事成什元韻

暫駐

鑾輿愜靜娛
人間名勝豈能踰
三春麗景多佳致
五日

蘄州志

卷之一 宸章

辛

停驂仰定棋不息

盱宵

仁政治有時

茂對翰毫濡端因禮葳旋

清蹕豈爲

宸游歷錦區

日午至桃花寺煩熱甚僧云山半有泉甘且冷遂俱往汲而飲之因成四韻

日暘暑難當徧體汗如沃
消渴覓清泉引波曲山曲
一椀覺心

安再酌清兩目甘美勝龍團襟懷絕塵俗

望盤山歌

連朝風緊塵霾昏長途草偃留沙痕路近薊北風漸息天清氣
朗升朝暎彌望青青徧阡陌嫩柳垂條送行客村童叱犢下平
阜坐待一雨滋春麥隔林籬落起晨炊酒旗低颺青帘披杏花
十里開新萼淺綠深紅鬪豔姿行行馬首開生面瞥眼峯巒高
下見初疑浣花溪上戲題山水歌復憶玉局詩中山鶴鳴夜半
琳宮紺宇眼底呈蒼茫古木雲霞平非烟非霧山腰束豁然開
霽萬象清世間自有神仙窟林杪飛泉出復沒何必蓬壺覓海

薊州志

卷之一

宸章

三

中仙凡路隔杳難涉此山開鑿自田疇豁訝蒼翠天悠悠雲橫
大野山無腳雲收天外嵐光浮更有奇峯天半角龍蟠脈潤聯
堦堦浮圖數丈矗山巔直指青冥氣絲邈是中幻化真莫測安
得一奮凌雲筆凌雲筆賦初成何人遙想山勢富靈秀寫出天
開勝境足以娛吾情

過薊州作

上郡旋驂日遙看靄曙氛春城森百雉古寺護層雲土沃良農
洽時和淑景欣古來爭戰地

隆福寺瞻禮

勝地莊嚴迴層樓倚碧峯閒雲迴別磻清籟下長松色相參空
旨真如寄遠蹤花間傳梵唄風送隔林鐘

隆福寺行宮對雨

萬疊層巒一抹陰還欣膚寸自成霖四圍碧嶂雲端轟幾處烟
村畫裏尋壠外廉纖滋二麥峯頭靄靄淨千林剛逢潑火宜寒
食靜對拈毫愜素心

桃花寺晚坐

高山一帶足岫嶺駐馬尋涼戶不扁古柏十圍銷碧蔭飛泉幾

蘄州志

卷之一 宸章

三

道瀉清冷有時雲起千峯暗是處禾稠萬頃青暝色漸深風更
爽遠村鐙火耿如螢

隆福寺晏起有作

一歲難逢一日閒閒來一日且安眠虛窗夜啟袪煩暑曉月朝
斜墜碧天卧聽飛鳥辭樹杪起看旭日下山巔前途長短無勞
問只傍南軒展古編

獨樂寺小憩

珠邱禮蔽旋征旆蕭寺還來片刻留風景蘄門春色滿香嚴寶閣

日光浮三千徧繞清涼界百五閒憑今古樓

樓額曰觀音之閣
乃唐李白所書

禪榻半龕塵外賞
緋桃翠柏一庭幽

桃花寺晚坐

乍見前山暝色橫
一灣斜月映空明
春融大地心懷暢
雲歛遙峯眼界清
列帳星羅鏡萬點
半龕佛夢夜三更
憑欄衆籟俱岑寂
昆弟閒吟寄遠情

獨樂寺小憩成什

日暖風恬柳意青
禪房小憩偶留停
三千法界垂慈蔭
丈六金身悟性靈
繞樹晨烏翻彩旭
棲檐馴鴿惹懸鈴
田盤北望開圖畫
雲歛峰腰展翠屏

薊州志

卷之一

宸章

三

隆福寺瞻禮

山半琳宮啟莊嚴
色相超長松蔭傑閣
碧巘麗層霄
無上空王契真如
俗慮消大千
綏福祉雨露四時調

桃花寺行宮晚坐有感

敬謁

橋山初返轡乘騶
陟巘宿花宮
疎林野墅斜陽外
遠水平山淡靄

中俯瞰鎧光羅萬帳
遙看暝色下長空
迴思已卯隨

轡輅孤愴徒悲隱寸衷

憶自嘉慶己卯春間隨侍
皇考祇謁橋山道經桃花寺迄今四閱星霜曠

色鎧光依然如昔而
遠渺抱恨終天徒增悲愴耳

音容

獨樂寺小憩

無相誰知去住波
薊城古刹幾經過
野雲行止高情逸
明月襟懷俗慮磨
傑閣參天開法界
長松當戶蔭虬柯
檐頭四字留名蹟
白也會書一任佗
開額曰觀音之閣
乃唐李白所書
天半舫
室似舟兮舟作室
半天結構儼推篷
當春望歲惟希雨
卓午停驂又遇風
林外煙村連遠浦
峰頭古寺入晴空
敬思

謨烈祈

昭鑒錫福寰區億載同

薊州志

卷之一 宸章

善

桃花寺晚坐

為愛春山引興多
蒼茫暝色夕陽過
俯看行帳燈光燦
疎密繁星萬點羅

山窗憑眺賞心舒
近水遙峰畫不如
深淺桃枝逗春色
鐘聲迢遞晚風徐

桃花寺行宮夕望感懷

山巔行館據鞍登
何必桃花始可稱
幾點村墟看隱隱
無邊峰嶺望層層
窗虛斜映疎林月
山崦遙分野帳燈
靈爽有憑昭鑒目
寶華迴首愴難勝

薊州途中作

寒霜映日初冬候葉落林空透曙暉大野煙村看處好高峰寶塔望中微路無埃壘宜征騎戶有餘藏慶近畿更喜乘時秋麥徧田盤古刹隱嵐霏

望盤山

趁曉鳴鞭度薊城田盤景象畫中呈雲間峰影千層翠煙外林光一帶橫無暇游觀尋古迹乘時祭告慶功成追思扈從承恩日悲感徒增孺慕情

臣謹按

薊州志

卷之一 宸章

五

列聖及

皇帝

宸翰盤山題詠最多因盤山本自有志自當冠于盤山志之首今就薊城道中及

行宮諸作敬謹抄錄且州城褊小無藏書之家不能遍錄正如滿天霞彩人亦只能就所見言耳

恩賚

順治元年

詔免民租十分之五

順治二年

詔釋民壯歸農

順治三年

詔免被圈民田租之半

順治十一年

詔遣固山額駙佟代侍郎郝傑賚銀布賑貧民並免田租之七

薊州志

卷之一 恩賚

五

順治十二年

詔免十一年以前拖欠田租

順治十五年

詔遣刑部尚書白引謙啟心郎巴格賑賚貧民

順治十八年

詔停止練餉

康熙三年

詔永免再圈民田

康熙五年春三月

道戶部尙書蘇納海左都郝維納侍郎艾元徵給諫張維赤周命

新粘本盛等勘八旗田土

又秋八月

遣尙書蘇納海等復圈民田

康熙十年

聖祖仁皇帝東巡

詔免經過州縣地丁錢糧

康熙二十一年因吳逆蕩平奉

恩詔全蠲本年地丁錢糧

蘄州志

卷之一

恩賚

七

康熙二十五年

詔免未完民欠錢糧及二十六年地丁錢糧

康熙二十七年

詔賞八十九十百歲老人銀米絹肉有差

康熙二十九年因水災每大口賑米三斗六升每小口賑

米一斗八升共賑窮民王宗彥等二百一十六名口

詔免錢糧之半

康熙三十二年奉

詔蠲免本年未完及三十三年地丁錢糧

康熙三十四年九月奉文將存倉米借給乏食窮民每名口借給米二斗共借給窮民賈好吉等一千五百三名口
康熙三十五年

詔蠲本年下半年三十六年上半年地丁錢糧

又奉文將存倉米借給乏食窮民每名口借給米二斗共借給窮民郭起龍等四千三百八十二名口

康熙三十六年正月內奉

上諭發通倉米四千石至薊州減價賣與窮民白稷米每斗制錢一百二十文紅稷米每斗制錢六十文窮民歡呼踴躍一時米

薊州志

卷之一 恩賚

三

價頓平

又因勦滅噶爾丹

恩詔內開一罰贖積谷原以備賑冬月嚴寒鰥寡孤獨貧民無以爲生者督撫責令有司官將積谷酌量賑濟毋令奸民假冒支領欽此欽遵每窮民一名口給谷四斗共給尹自富男婦六百四十名口

康熙四十二年恭逢

聖祖仁皇帝五旬萬壽奉

詔七十以上者許一丁侍養免其雜差八十九十百歲老人各

銀米絹肉有差

又因本年水災奉文將存倉米借給被淹各庄乏食窮民
每大口米三斗每小口米一斗共借給窮民高起龍等男
婦大小二千五百六十八名口米六百七十一石六斗
康熙四十三年二月十八日恭逢

聖祖仁皇帝謁

陵回

鑾駐蹕馬伸橋

乾清門侍衛馬武傳

薊州志

卷之一

恩賚

堯

旨河間府寧津縣逃荒民男婦大小二十八名口交知州張朝琮
一路給養送至保定府交與巡撫李光地處安插明白將此情
由知州張朝琮繕寫摺子奏知

二月二十六日

欽差都虞司員外郎額清格筆帖式關 廣儲司庫上李 賚銀
賜盤山各寺菴每一住持銀二兩每一僧銀一兩計二十二住持
一百八十八僧共賞銀二百三十二兩

康熙四十四年順天河間二府地丁錢糧恭奉

恩旨概行蠲免

康熙四十八年

八十九十百歲老人銀米絹肉有差

康熙五十二年

免地租並積年民欠

康熙五十四年

免地丁銀米豆穀草束

雍正元年

詔賞老人米布有差

雍正八年

蕪州志

卷之一

恩賚

卒

詔免錢糧

雍正九年

詔免錢糧

雍正十三年

詔賞老婦米布有差

乾隆十五年恭逢

高宗純皇帝四旬萬壽奉

詔免未完民欠錢米草束賞老婦有差

乾隆十六年恭逢

孝聖憲皇后六旬萬壽奉

詔賞老人銀米絹肉有差賑饑蠲糧

乾隆十九年

高宗純皇帝東巡經過

御道蠲免錢糧十分之三

乾隆二十年奉

旨豁免乾隆十年以前民欠並歷年出借牛具口糧籽種

乾隆二十一年奉

旨蠲免十年以前存退餘絕等項民欠

衢州志

卷之一

恩賚

三

乾隆二十六年奉

詔賞老人絹綿米肉有差

乾隆二十七年奉

詔賑濟饑民

乾隆三十五年

高宗純皇帝六旬萬壽

恩賜千叟宴

恩詔賞養老民絹綿米肉有差奉

旨罪囚援減

乾隆三十六年恭逢

孝聖憲皇后八旬萬壽奉

詔蠲免地丁錢糧

乾隆四十三年

高宗純皇帝巡幸偏涼洪

恩詔蠲免

御道兩旁地糧旗租銀兩

乾隆四十五年

高宗純皇帝七旬萬壽並喜得五世元孫奉

蕪州志

卷之一 恩賚

三

恩詔賞賚老民絹綿米肉有差許一丁侍養免其雜派差徭

共賞老民七十以上者九百三十九名八十以上者二

百七十八名九十以上者四十九名

乾隆四十五年

高宗純皇帝恭謁

兩陵經過地方錢糧蠲免十分之三

乾隆四十七年

高宗純皇帝巡幸盤山奉

旨蠲免經過地方本年地丁錢糧十分之三

乾隆四十八年

高宗純皇帝前往

盛京恭謁

祖陵所有經過州縣

御道兩旁應征糧銀蠲免十分之五

乾隆四十九年奉

恩詔賞賚老民老婦絹綿米肉有差許一丁侍養免其雜派差徭

共賞老民七十以上者七百十九名八十以上者二百

八十六名九十以上者四十二名

薊州志

卷之一 恩賚

三

共賞老婦七十以上者七百零九口八十以上者二百

八十五口九十以上者三十三口

又賞兵丁之祖父母八十以上者十名七十以上者老

婦十二口八十以上者老婦十六口九十以上者老

婦一口

乾隆五十年

高宗純皇帝巡幸盤山蠲免

御道兩旁錢糧十分之三

又奉

恩詔賞賚老民絹綿米肉有差許一丁侍養免其雜派差徭

乾隆五十四年

高宗純皇帝巡幸盤山

御道兩旁地丁錢糧蠲免十分之三

乾隆五十五年

高宗純皇帝八旬萬壽

恩賜千叟宴

恩詔賞賚老民絹綿米肉有差許一丁侍養免其雜派差徭

共賞老民七十以上者六百九十一名八十以上者二

蘇州志

卷之一 恩賚

畝

百七十名九十以上者三十三名

又賞兵丁之祖八十以上老人四名九十以上老人一

名

乾隆五十九年正月初二日奉

上諭各屬民欠乾隆五十六七兩年因災緩帶地糧銀兩著加恩

寬免十分之三

又奉

旨蠲免地糧旗租銀兩

嘉慶元年正月奉

恩旨普免嘉慶元年直省一歲地糧分三年輸免

又奉

恩詔賞賚老民七十以上者准一丁侍養免派雜差八十以上者賞絹一疋綿一筋米一石肉十筋九十者倍之百歲以上者另題明請旌並加賞大緞一疋銀十兩

恩旨賞給老民頂戴七十以上者賞九品八十以上者八品九十以上者七品百歲者題明另賞

共賞老民七十以上者七百零七名八十以上者一百八十四名九十以上者二十三名

蘄州志

卷之一 恩賚

奎

又賞兵丁之祖父母八十以上老人三名

共賞頂戴老民二十八名

又於三月初六日奉

上諭此次恭謁

兩陵所有沿途經過地方著加恩蠲免地丁錢糧十分之三

嘉慶四年二月十六日奉

上諭普蠲本年應征錢糧

又於八月內因官兵過境奉

上諭蠲免應征本年錢糧十分之三

嘉慶五年正月初一日奉

上諭蠲免應徵本年錢糧三分

嘉慶六年奉

旨旗租銀兩均勻減除

恩詔蠲免積欠

恩旨罪囚援減

又恭逢

仁宗睿皇帝恭謁

東陵經過

蕪州志

卷之一 恩賚

五

御路蠲免錢糧十分之三

又於六月內因水奉

旨蠲免本境應徵本年錢糧十分之五

嘉慶七年正月內恭逢

仁宗睿皇帝恭謁

裕陵行三週年禮蠲免經過地方本年錢糧十分之三

又於八月內奉

上諭蠲免本年應征錢糧十分之五

嘉慶八年二月內恭逢

仁宗睿皇帝展謁

東陵回

鑾巡幸盤山蠲免經過地方錢糧十分之三

嘉慶九年二月內

仁宗睿皇帝展謁

東陵奉

上諭蠲免本年應征錢糧十分之三

又於七月內恭逢

仁宗睿皇帝展謁

蕪州志

卷之一

恩賚

李

東陵蠲免錢糧十分之三

嘉慶十年

仁宗睿皇帝巡幸

盛京恭謁

祖陵

恩詔蠲免

御道兩旁地糧旗租銀兩

又於十一月內奉

上諭蠲免

御道兩旁本年錢糧

嘉慶十三年

仁宗睿皇帝巡幸天津

恩詔蠲免十二年尾欠地糧民欠十分之三

又於五月初一日因得雨稍遲奉

上諭本年應徵錢糧緩至來年麥熟後徵收

嘉慶十三年奉

上諭朕鑾輅時巡畿南一帶地方老民老婦龐眉皓首矍鑠歡迎
洵爲昇平人瑞著地方官照恩詔之例賞賚

薊州志

卷之一

恩賚

矣

共賞老民七十以上者五百一十六名八十以上者一

百八十八名九十以上者三十一名

共賞老婦七十以上者四百九十九口八十以上者二

百三十一口九十以上者二十九口

又賞兵丁之祖父母七十以上老人二十六名八十以

上老人八名九十以上老人一名七十以上老婦五

十六口八十以上老婦十三口九十以上老婦一口

又奉

旨蠲免地糧旗租銀兩

又於三月十六日奉

上諭加恩將經由各州縣十一年以前積欠正耗銀糧全行豁免

嘉慶十四年

仁宗睿皇帝五旬萬壽欽奉

恩詔內開賞賚老民絹綿米肉有差

共賞老民七十以上者四百三十三名八十以上者一

百八十二名九十以上者十五名

又賞兵丁之祖父七十以上者五十七名八十以上者

九名

蕪州志

卷之一 恩賚

九

嘉慶十七年三月

仁宗睿皇帝展謁

東陵

越幸盤山所有經由道路兩旁糧租豁免十分之二是年因上年

被水出借貧民籽種銀兩

嘉慶十八年八月

仁宗睿皇帝展謁

東陵所有

御道兩旁糧租豁免十分之三

嘉慶十九年八月

仁宗睿皇帝展謁

東陵所有經由道路兩旁糧租豁免十分之三

嘉慶二十年

仁宗睿皇帝展謁

東陵

巡幸盤山經由道路兩旁糧租豁免十分之三
是年秋禾被水復

奉

旨應徵糧租緩至次年秋後啟徵

薊州志

卷之一 恩賚

三

嘉慶二十一年

仁宗睿皇帝展謁

東陵

巡幸盤山經由道路兩旁糧租豁免十分之三
是年秋禾被水復

奉

旨應徵糧租緩至次年秋後啟徵

嘉慶二十二年

仁宗睿皇帝展謁

東陵

巡幸盤山經由道路兩旁糧租豁免十分之三是年秋禾被旱應徵糧租奉

旨緩至次年麥後啟徵

嘉慶二十三年四月因上年被旱奉

旨所有二十三年上忙糧租全行豁免七月

仁宗睿皇帝

巡幸

盛京所有經由道路兩旁糧租豁免十分之三

是年秋禾被水復奉

薊州志

卷之一

恩賚

三

旨應徵糧租緩至次年麥後徵收

嘉慶二十四年欽奉

恩旨直省節年未完籽種口糧等項查明力不能完者造冊請豁

其豁未完銀一千三百九十二兩

一年自七十以上老民各賞絹綿米肉有差許一丁侍養

其賞老民八十以上者四十名九十以上者三名

又賞兵丁之祖父八十以上者四名

三月

仁宗睿皇帝展謁

東陵

巡幸盤山所有經由道路兩旁糧租豁免十分之三

四月奉

旨所有二十三年以前民欠糧租全行豁免

是年秋禾被水應徵糧租緩至次年秋後啟徵

嘉慶二十五年

仁宗睿皇帝展謁

東陵

巡幸盤山所有經由道路兩旁糧租豁免十分之三

薊州志

卷之一 恩賚

三

八月

皇上御極

恩詔賞老民絹綿米肉有差

共賞老民八十以上一百八十三名九十以上三名

兵丁老人八十以上二名

道光二年

皇上展謁

東陵經由道路兩旁糧租豁免十分之三

是年秋禾被水應徵糧租緩至次年秋後啟徵

道光三年秋禾被水所有應徵糧租奉

旨豁免十分之一二四分不等其餘銀兩緩至次年秋後啟徵

道光五年

皇上展謁

東陵所有經由道路兩旁糧租豁免十分之三

道光六年因西陲征兵過境奉

旨豁免糧租十分之四

道光七年因凱兵過境奉

旨豁免糧租十分之四

薊州志

卷之一

恩賚

三

九月奉移

孝穆皇后梓宮經由道路兩旁奉

旨豁免十分之五

八年

皇上巡幸

盛京豁免地糧十分之五旗租十分之三

回鑾展謁

東陵豁免

御道兩旁糧租十分之三

十月秋禾被水應徵糧租奉

旨緩至次年麥後啟徵

歷次賞賚老民老婦等續編米肉俱係折色每絹一疋折給銀七錢綿一筋折給銀四分米一石折給銀六錢肉十筋每筋折銀三分

臣謹按天生民而立之君使司牧之無使失性教養有常經矣但天災流行國家代有故堯有九年之水湯有七年之旱在盛世亦所不免所賴上之保護之者夫豈微哉我

蘄州志

卷之一

恩賚

七

朝

聖聖相承深仁厚澤洽臚淪肌故州志恩賚一門言

恩賚一門言膏澤之下逮閭閻凡一切加級請封之在官者不復雜入卽舊志載康熙三十五六兩年并四十一年州屬大荒郡牧張朝琮捐資煮賑賞賜棉衣活人無算今一併刪去蓋不敢以地方官之賜小民與

國家

恩典並列也